

歷代 日記叢鈔

學苑出版社

歷代日記叢鈔

第七〇冊

自宋太宗開之不善參陸賈安危注意將相之說
宋明泉國朝中國不競而夷狄內侵坐此耳一
清濁之見太分將來必遭唐末敬李投諸濁流之
禍覲然作詞臣作講官豈文獻獻通考敘末一廟目
耶而承絹又何所倚賴適從邪

睹國人燕安酖毒之况予自疑學識浮脆亦想染
其俗習風氣移人無登高而挽之者奈何

與休甯論事休甯言譯館自文文忠主持以來有
二大失始定夷使與大臣相見用敵體禮久之彼

哭

參贊以下樞員來館章京與之周旋輒不見答直
 云請汝堂官面議遂亦抗禮相見是大臣不足以
 養威雖文忠叔議恭邸不必常常到館小事稟報
 大事廷決以養威重然已無救於大臣之失體一
 失也章京有才幹膽識者儘可與夷使爭執駁_難
 俾行其志使彼亦知國未嘗無人乃不得行其職
 聽_聽其老死抱牘之吏二失也即此次湘陰外握重
 兵始足以壯國威一召來京無論安頓樞垣譯
 館兩處不過朝畫夕諾春朝秋請委她班行之內

如猛虎離山林入園圈則百獸亦將狎而玩其爪
牙何也失所恃與所習也且語曰臨三軍者或懼
朝廷之儀將才相度視其才性鳬鶴長短易之則
憂故周德潤周開銘奏請止其來京不為無見又
言我汗向來六七月後駕游黑海避暑去年崇厚
出使遷延未見亦由於此此次曾記家澤六月廿
四到我七月十七始遞國書覲見彼汗据電信云
汗顏甚和并告我使云崇厚已釋甚是我現將往
黑海爾十八日可與外部面議云云是此次彼汗

罷

因曾使將來之故展期待發其情或不欲遽開大
衅亦未可知此則款局一綫之機耳特聞彼已借
鄰國之兵鄰國之餉將來十八條之外兵費一節
恐終費口舌耳

幾叟言世士有通聲氣之術三下者嫖恃鑽營斗
筭何筭中者挾醫畫謀技稍上者挾學術語言文
字非此則不得與於推擇資格之數而天下真才
歟行之枉抑者多矣可槩也

求才有四難山林靜處之士於世事少閱歷其才

如羅澤南劉
蓉一流決不
在此三等內
求之

性能識微見遠而不諳物情地勢細微曲折之故
不曉辦事之次第節目一難也宜置之儲才之地
後使處廷辦之任觀其言忠諫奮發之士多血氣
果可採與否如漢博士然忠諫奮發之士多血氣
自用有言責無事責故聊聊壯一時清議以伸士氣
而所言多護前自圓其說不度事情利害二難也
宜勿推折以警發重臣內省外張樞軸親近之臣畧
臺之心目勿遽委任恐多更張
稔利害識深氣衰巧習趨避其進趨疑然應對唯
諾足娛人主一時之耳目所謂容悅之臣而土崩堤潰之
禍即釀伏於此數人面從聲折之中矮屋細旃之
辛

上三難也

宜仿唐宋使相判州之制隨時責以外

祛軌嚴積習雷霆不測耳目一新至現在時勢急

於求測續地圖練習營陣製造船器研覈商礦之

才而忠直剛嚴之士少頑很無耻之才多駕馭難

周陶鎔不易四難也

宜用忠信嚴明有重望者時

不驟假以詞色名器

予此月內與人言多抗詞不休於沈晦燄靜四字

上少工夫宜痛改之

庚辰七月

近鄭深題名
光緒六年八月丁酉朔刑部檢校郎中前介休令

黃岡鄧琛獻之將南歸史館編修奉新許振禕仙
屏戶部檢校主事文昌潘存孺初戶部檢校郎中
會稽李慈銘忝伯監察御史歸善鄧承修缺香監
察御史黃岡洪良品右丞刑部檢校員外郎羅田
陳錦芸舫前庶吉士梓潼令恩敏樊增祥雲門戶
部檢校主事雲騎尉桐廬袁昶重黎同集天寧寺
為鄧君輟餞會食訖泛舟於南池觀翠微石經潭
拓諸山抵葭迺歸昶題

庚辰八月

閱五火午機

年羹堯輯

多言炮車銃矢之利有圖有

五

說有製造法

唐律疏證

李悝法經六篇一盜法今盜律二賊法今賊律三囚法

今斷獄律四捕法今捕律五襍法今雜律六具法今具律蕭何

益以戶今戶律興今興律廢今廢律三篇為九章章律之律

漢高入關與秦民約止法三章曰殺人者死傷

人及盜抵罪蕭相國因其文簡不足為治乃更定

律令為九章教吏民誦習之史黃門急就篇所

云尚書春秋律令文是也

人有桀黠之才不為我用或我之才與權勢不足以馭人則不如嚴排浮議而用我獨斷以堅惡行之梁惠不能用鞅又不能用殺鞅湘陰得此法自忖才地不如曾胡故也被譴去而嚴太連臨紳民皆尤相鄉相鄉不為之動亦此意否則人將始借運於我而卒圖我袁桀劉秉之於蕭道成慕讓能之虛名受反噬之寔禍悔何及已語云日中必熋操刀必割當斷不斷反受其亂天與不取將受其咎不可博集思廣益之美名而坐失事機也

至

汪仲伊所著書敘

士何職以治六德六行六藝為天職三代兩漢人材莫不出於學師氏保氏大司樂十四博士所掌今祭酒司業所當擇簡而條晰之以次第授學者士一命以上者何職以援古禮議今禮引古律議今律陳古政得失善敗以繩今政得失善敗為天職無慮天下有道無道庶人箝口不敢妄議議者有常刑而士則有昌言之責公孫成子不毀鄉校漢石渠觀白虎殿兩次議奏及大政大典禮博士

以此六百石得預議令尉得上封事後世山林隱
逸之流皆得名見問以國政若唐貞觀修隋史咨
孫思邈 國朝修明史咨黃宗羲亦一證也士先
志官先事志不立則百行隳事不立則四維壞古
之王者飭五官明皇極必先敬用五官之事貌思
恭言思從視思明聽思聰思心之容容否則罰見
於金木水火土恒黔恒惕之沴王者修身感天不
旋日諸侯不旋時夫大不過棋士則以三年通一
經計之修德進業朱紱來其欲汲汲叢棘災王者

五三

內飭五事外修五官古者兵刑合一官古兵刑中
 分二官故六職之名由此定也六官之籍散而流
 別興王失其極史記之官黷其職士事習之推其支
 流要不失其最初命官立法之精意志乎立事者
 宜究心焉儒家者流源於司徒師氏保氏兵家形
 法者流源於司馬職方訓方氏法家源於理官農
 家源於后稷議禮家源於秩宗陰陽相擇家源於
 歷官吹律歌風四上競氣源於司樂稽事制食十
 全為上源於醫師制器尚象弧矢舟楫水火雷風

相薄之技源於考工此先王遺法之存什一於千百者也古者無慮官以龍名以鳥名以靈名以正名以相佐岳牧名皆託始於陰陽五行所謂官陰陽以遂群生擇水火之精以利群生綱維之者大君條理之者卿大夫識大識小童而習之者士而皆以衛兆民之生士也者事也民也者冥也政也者正也於文以一貫三為王推十合一為士然則為士者之責殆所以通知政本牖民之冥昧以明先王宰世垂教之遺意者邪食貨為天子及庶人

五十四

之天故八政曰農用農為大也食主穀木氣仁仁
氣生貨主幣金氣利利氣殺故善用之則強不善
用之則亡農不能以禁人之飽煖佚欲飲食男女
之訟而為之禮故經世之具禮為大有天子禮有
公侯禮卿大夫禮士禮吉凶軍賓嘉是已商周有
五廟七廟王禮也而後世士庶人皆得祭及四親
而廟制則為同堂異室古不墓祭而今墓祭古服
本輕者而今改重君子觀其特制焉禮所不能勝
而為之刑故刑次之漢蕭氏定律有盜賊囚捕襍

具戶興廢等九章今裁併隸六部下是已象刑廢而肉刑興墨劓宮大辟廢而笞杖徒流死刑刑興古刑重而簡今刑輕而繁君子審其條便焉刑所不能勝而為之兵故兵又次之陰陽主天形勢主地權謀主人技巧主器是也車戰彭排不可用而步騎得之殫石弧矢不可用而火器得之古兵法握奇經以下不可用而戚南塘束伍之法得之軍禮司馬法百五十篇可用而亡佚太半而老子抗兵相加哀者勝偏將左上將右數言得之溝洫川

五